



## ԱՆՎՏԱՆԳՈՒԹՅԱՆ ՔԱՂԱՔԱԿԱՆՈՒԹՅՈՒՆ

### **1. Կայուն զարգացում ապահովելու՝ Լիդիան ընկերության պարտավորությունը**

«Լիդիան Արմենիա» ՍՊ ընկերությունն ու նրա կողմից վերահսկվող դուստր ընկերությունները (այսուհետ՝ Ընկերություն կամ Լիդիան) պարտավորվում են ապահովել կայուն զարգացում՝ Ծրագրի զարգացման ու իրագործման բոլոր փուլերի համար սահմանված իր ընթացակարգերում ընդգրկելով համայնքների, առողջապահության, ապահովության, բնապահպանական ու անվտանգության նկատառումներ:

Կայուն զարգացման պարտավորության շրջանակներում, Լիդիանի կողմից մշակվել է Անվտանգության քաղաքականություն, որը Միջազգային ֆինանսական կորպորացիայի (IFC) կողմից ռիսկերի կառավարման մոտեցման ու հայեցակարգի անբաժան մասն է հանդիսանում: Անվտանգության քաղաքականությունը սահմանում է Լիդիանի գործառույթները, պարտականություններն ու թափանցիկության ապահովման և պատշաճ կորպորատիվ կառավարման պարտավորությունները:

### **2. Լիդիանի Անվտանգության քաղաքականություն**

Լիդիանը պարտավորվում է ստեղծել ապահով և անվտանգ միջավայր, որտեղ բոլոր աշխատողները կկարողանան լիովին դրսևորել իրենց ներուժը և որտեղ բացառված կլինեն քրեական գործոններով, ֆիզիկական վտանգով կամ գործունեության հնարավոր դադարեցմամբ պայմանավորված ամեն տեսակի խոչընդոտներ:

Լիդիանը պարտավորվում է ապահովել անվտանգության արդյունավետ միջոցներ՝ ողջ անձնակազմին ներգրավելով աշխատողների, կապալառուների և այլ շահագրգիռ կողմերի, ինչպես նաև ընկերության ակտիվների, այդ թվում՝ տեղեկատվության, ապրանքանիշի և համբավի պաշտպանության գործընթացում:

Լիդիանն ընդունում է, որ իր նպատակների իրականացման համար անհրաժեշտ է ապահովել կազմակերպության անվտանգությունը, ազգային և միջազգային օրենսդրական պահանջների կատարումն ու լավագույն միջազգային փորձի կիրառումը:

Իր անձնակազմի, ակտիվների (այդ թվում՝ տեղեկատվության), գործունեության և համբավի պաշտպանությանն ուղղված պարտավորությունը կատարելու նպատակով, Լիդիանը պարտավորվում է՝

- Պարզել իր անձնակազմին, ակտիվներին, գործունեությանն ու համբավին սպառնող ռիսկերը՝ գիտակցելով, որ դրանք կարող են ծագել քաղաքական, տնտեսական կամ սոցիալական գործոններից, ինչպես նաև ձեռնարկել համապատասխան միջոցներ նշյալ ռիսկերի նվազեցման ուղղությամբ:
- Փորձել պարզել և հասկանալ անվտանգության ռիսկերի պատճառներն ու բնույթը, ինչպես նաև լուծել ներքին և արտաքին կողմերին անհանգստացնող խնդիրները:
- Գնահատել, արդյոք ընկերության կամ նրա անձնակազմի անդամների գործողությունները բարդացնում են ռիսկը՝ ձեռնարկելով նշյալ ռիսկերի նվազեցմանն ուղղված համապատասխան միջոցներ:
- Ապահովել ընկերության կողմից տեղական և միջազգային օրենսդրական պահանջների կատարումը բոլոր առումներով: Սա ներառում է նաև ՄՖԿ Կատարողական չափանիշ 4-ի, Համայնքների, Բնապահպանության, Անվտանգության և Ապահովության, ինչպես նաև Վերակառուցման և զարգացման եվրոպական բանկի (ՎՋԵԲ) կատարողական պահանջների կատարմանն ուղղված ընկերության ռազմավարական պարտավորությանը:
- Մարդու իրավունքների պաշտպանության պայմանով անվտանգությունն ապահովելու նպատակով կիրառել Ամուլսարի ոսկու հանքի ծրագրին բնորոշ կամավոր սկզբունքային ուղեցույցները:
- Խրախուսել անձնական պատասխանատվությունը՝ օրինախախտ կամ աշխատանքային ռեժիմը չպահպանող անձնակազմի նկատմամբ կիրառելով ուղղիչ և/կամ կարգապահական գործողություններ,
- Համագործակցել տեղական իրավապահ մարմինների հետ՝ Լիդիանի անձնակազմը կամ ակտիվները ներառող անվտանգության պատահարներին պատշաճորեն արձագանքելու նպատակով:
- Ապահովել անվտանգության պատահարների պատշաճ հետաքննություն և ձեռնարկել անհրաժեշտ գործողություններ դրանց կրկնման հավանականությունը նվազեցնելու նպատակով:
- Ապահովել աշխատողների, ենթակապալառուների կամ ազդակիր համայնքների կողմից բարձրացվող և անվտանգությանը վերաբերող խնդիրների արագ հետաքննություն և լուծում:

Կայուն զարգացմանն ուղղված իր պարտավորությունների շրջանակներում Լիդիանը պարտավորվում է ապահովել համապատասխան ռեսուրսներ իր գործունեության ողջ ընթացքում, այն է՝ երկրաբանական հետախուզությունից մինչև փակումն ընկած ժամանակահատվածում, իր անվտանգության պարտավորությունները կատարելու նպատակով: Այս պարտավորությունները կարտացոլեն անվտանգության վտանգների մեղմացման նպատակով կիրառվող կառավարման գործընթացի և համապատասխան գործողությունների արդյունքները՝ շեշտը դնելով ռիսկերի կանխարգելմանն ու դրանց վերահսկման համար պատրաստվածությանը:

### **3. Համապատասխանության ապահովում**

Սույն քաղաքականությունը վերաբերում է Լիդիանի ողջ անձնակազմին, այդ թվում՝ կապալառուներին և Հայաստան այցելող անձանց: Լիդիանի Անվտանգության քաղաքականությունը հաստատվել և ուղղորդվում է Կայունության գծով փոխնախագահի և Տնօրենների խորհրդի կողմից: Լիդիանի անվտանգության բաժինը պարտավոր է ապահովել Անվտանգության քաղաքականությամբ սահմանված ընթացակարգերի և գործողությունների պարտադիր կատարումը: Հակառակ դեպքում դա կարող է դիտարկվել որպես զանցանք: Ընկերությունը պարտավորվում է ապահովել և կատարել ՄՖԿ-ի ու ՎԶԵԲ-ի բոլոր կատարողական չափանիշներն ու պահանջները՝ ապահովելով բոլոր իրականացվող անվտանգության միջոցառումների համապատասխանությունը գործող տեղական և պետական օրենքներին ու պահանջներին:

### **4. Շարունակական բարելավում**

Ընկերությունը պարտավորվում է պարբերաբար վերանայել իր Անվտանգության քաղաքականությունը՝ թարմացնելով այն ըստ անհրաժեշտության: Բացի այդ, ընկերությունը կանոնավոր կերպով կթարմացնի կամ կբարելավի իր Անվտանգության կառավարման համակարգը՝ ապահովելով համակարգված ներքին ստուգումներ և աշխատանքի գնահատումներ, որոնց արդյունքների հիմքով կիրականացվեն ադապտիվ կառավարմամբ ապահովվող շարունակական բարելավման ու կայուն զարգացման գործընթացները:

### **5. Հաղորդակցություն և իրազեկում**

Լիդիանի պարտավորությունների, ինչպես նաև ընկերության աշխատակիցների, կապալառուների և մատակարարների պարտականությունների վերաբերյալ իրազեկվածությունը բարձրացնելու նպատակով՝ ընկերությունը պարտավորվում է իրազեկել վերջիններիս տվյալ Անվտանգության քաղաքականության մասին: Անվտանգության քաղաքականության պահանջների վերաբերյալ իրազեկվածությունը բարձրացնելու նպատակով ընկերությունը նախատեսում է կազմակերպել հատուկ դասընթացներ իր անձնակազմի համար և ակնկալում է համարժեք քայլեր իր կապալառուներից:

Վերոգրյալը հաստատվել է Տնօրենների խորհրդի կողմից 2016թ. դեկտեմբերին: